

- Hoc peribet medicus, utinam falsum perhiberet
 10 Et medicina fide de me mentita careret.
 Lugent Pyerides et turba poetica meret.
 Archades ingeminant luctus, lacrimisque maderet
 Iupiter altitonans, si numina flere liceret.
 Par foret ille feris aut plus feritatis haberet,
 15 Qui siccis oculis me sic periisse videret,
 Quem non ad lacrimas mortis modus iste moveret.
 Sic in flore suo nisi musa sepulta iaceret,
 Quantum Virgilio, tantum michi fama faveret,
 Nec senium nomen nec livor edax aboleret,
 Nullaque posteritas preconia nostra taceret.

- Flebilis hora redit, reditum fleo flebilis hore,
 In cuius reditu febris incumbente calore,
 Afficitur curis animus corpusque labore.
 Vis perit interior, quia vi caret exteriore,
 Singula membra iacent proprio viduata vigore.
 Lux caligat, hebent aures, nec gaudet odore
 Naris, et esca gulam non mitigat ulla sapore,
 Privanturque manus tactu rerumque tenore.
 Forma decens, roseo spectabilis ante decore,
 Quam deformavit macies, fugiente rubore,
 Posset spectantes subito turbare timore,
 Et me terribili perterret bubo canore,
 Et super humano strix visa dolore dolore,
 Et quociens quovis solvuntur membra sopore,
 Me terrent lemures aspersaque monstra cruore,
 Et furie que corda movent humana furore,
 Thesiphoneque minax et peior utraque sorore,
 Verbera seva parat stigio perfusa liquore,
 Et stigium carmen larvali personat ore,
 Hirta comas vultuque ferox et opaca colore.
 Verse auf einen Geizigen und verschiedene andere folgen:
 Qui misere cenas, metuens violare crumenas,
 Et tibi non parcis, marsupia dum nova farcis,
 Nescis que servas, ad cuius opus coacervas.
 Aurum quod nosti, servatur forsitan hosti,
 Nec tecum tolles plenos rubigine folles.
 § O regina poli, tibi supplex supplico soli,
 Ut michi subvenias et celi ianua fias,
 Que michi pandatur, dum presens vita negatur.
 § Vellus rore madens, rubus ardens, virgula florens,
 Signa fuere tui, que virgo deum genuisti.

Quam sit homo fragilis, quam carnis gloria vilis,
 Ostendit finis, et caro facta cinis.